



Samtaka um hringrásarhagkerfi

Svæðisáætlanir sveitarfélaga sem verkfæri í ákvarðanatöku

Norðurland

Minnisblað vegna svæðisáætlunarverkefnis

Verkefnið „Svæðisáætlanir sveitarfélaga sem verkfæri í ákvarðanatöku“ var hluti af átaki Sambands íslenskra sveitarfélaga undir yfirskriftinni „Samtaka um hringrásarhagkerfi“. Verkefnið hafði það markmið að efla og styrkja svæðisáætlanagerð sveitarfélaga fyrir meðhöndlun úrgangs sem vettvangur upplýstrar ákvarðanatöku í úrgangsstjórnun og var hugsað sem vettvangur sameiginlegrar þátttöku sveitarfélaga sem hafa ákveðið að standa saman að gerð svæðisáætlunar, skv. 6. gr. laga nr. 55/2003 um meðhöndlun úrgangs. Einnig gátu sveitarfélög tekið þátt í verkefninu ein og sér.

Samkvæmt 6. gr. laga nr. 55/2003 skal sveitarstjórn, ein eða fleiri í sameiningu, semja og staðfesta svæðisáætlun um meðhöndlun úrgangs sem gildir fyrir viðkomandi svæði til tólf ára í senn. Samkvæmt breytingu á þessari sömu lagagrein, sem kemur til framkvæmda 1. janúar 2023, skal Umhverfisstofnun hafa eftirlit með því að sveitarstjórnir gefi út svæðisáætlanir og senda umhverfisráðuneytinu ábendingu ef „sveitarstjórn gefur ekki út svæðisáætlun eða svæðisáætlun er ekki í samræmi við lög og reglur“.

Sveitarfélög sem tóku þátt í svæðisáætlanahluta átaksins „Samtaka um hringrásarhagkerfi“ fengu:

1. Lágmarksstöðumat á sínu svæði á magni úrgangs í einstökum flokkum og fleiri þáttum sem skipta máli fyrir úrgangsstjórnun og meðhöndlun úrgangs
2. Tækifæri til að taka þátt í vinnusmiðju um svæðisáætlanir þar sem fram fer fræðsla og samtal um úrgangsstjórnun og hringrásarhagkerfi
3. Stutta greinargerð um stöðu, markmið og aðgerðir á svæðinu
4. Möguleika á þátttöku í reglulegum fundum sem sambandið mun standa fyrir um úrgangsstjórnun sveitarfélaga og hringrásarhagkerfið

Fimmtán sveitarfélög á Norðurlandi skráðu sig til þátttöku í verkefni Sambands íslenskra sveitarfélaga um *Svæðisáætlanir sveitarfélaga sem verkfæri í ákvarðanatöku*. Þetta voru (í stafrófsröð):

1. Akureyrarbær
2. Blönduósbær
3. Dalvíkurbyggð
4. Eyjafjarðarsveit
5. Fjallabyggð
6. Grýtubakkahreppur
7. Húnavatnshreppur





8. Húnaþing vestra
9. Hörgársveit
10. Langanesbyggð
11. Norðurþing
12. Skútustaðahreppur
13. Svalbarðsstrandarhreppur
14. Sveitarfélagið Skagafjörður
15. Þingeyjarsveit

Öll þessi sveitarfélög vinna sameiginlega með öðrum sveitarfélögum á Norðurlandi að gerð svæðisáætlunar sem gilda mun fyrir tímabilið 2023-2034. Þar af leiðandi þótti hvorki ástæða til að vinna sérstakt stöðumat fyrir svæðið vegna þess verkefnis sem hér um ræðir né að útbúa sérstaka greinargerð um stöðu, markmið og aðgerðir í úrgangsmálum á svæðinu.

Haldin var vinnusmiðja fyrir þátttökusveitarfélögin á Norðurlandi á Teams 25. apríl 2022 og þátttakendalista og niðurstöðum komið á framfæri við þau sem vinna að svæðisáætlunargerðinni. Hvort tveggja verður birt í viðaukum við sameiginlega svæðisáætlun sveitarfélaganna sem væntanlega verður samþykkt og birt veturinn 2022-2023.

Kostnaður vegna vinnusmiðjunnar var færður sem hluti af kostnaði við svæðisáætlunargerðina og því borinn af sveitarfélögunum á svæðinu.

Tekið saman í október 2022
Stefán Gíslason
Environice